



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

Caput XIII. Quartam funeralium Cathedrales, vel Parochiales Ecclesiæ
recipiant.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

Secul. XVI
A C 1563.

„omnes, & singulos, pro Christiana cha-
„ritate, debitoque erga Pastores suos
„munere, ut de bonis sibi a Deo colla-
„tis, Episcopis, & Parochis, qui tenuio-
„ribus præfunt Ecclesiis, large subve-
„nire ad Dei laudem, atque ad Pa-
„storum suorum, qui pro eis invigilant,
„dignitatem tuendam, non graventur.

§. LXXXV.

De juribus exequiarum.

CAPUT XIII.

*Quartam funeralium Cathedralis, vel Pa-
rochiales Ecclesiæ recipiant.*

„Decernit sancta Synodus, ut quibus-
„cunque in locis, jam ante annos
„quadraginta, quarta, quæ Funeralium
„dicitur, Cathedrali, aut Parochiali
„Ecclesiæ solita esset persolvi, ac po-
„stea fuerit ex quocunque privilegio a-
„liis monasteriis, hospitalibus, aut qui-
„buscunque locis piis concessa, eadem
„posthac integro jure, & eadem por-
„tione, quæ antea solebat, Cathedrali,
„seu Parochiali Ecclesiæ persolvatur,
„non obstantibus concessionibus, gra-
„tias, privilegiis, etiam Mari magno
„nuncupatis, aut aliis quibuscunque.

Hoc decretum a Synodo editum est,
ut moderaretur plurium divitum usus,
qui sepulturas suas in monasteriis feli-
gebant

gebant cum præjudicio Ecclesiarum Cathedralium, & Parochialium: quapropter præcepit Synodus, ut semper, in quocunque loco sit sepultura, Ecclesiæ illi, ex qua defunctus Sacramenta recepit, & Divino Officio interfuit, quarta funeralis, veluti legitima relinquatur, quæ vulgo portio Canonica vocatur: diversa vero est illius summa pro diverso locorum usu: in Galliis autem hæc portio non est usitata.

Sæcul. XVI.
A.C. 1563.

§. LXXXVI.

De Concubinariis.

CAPUT XIV.

De Pænis contra Clericos Concubinarios.

„**Q**uam turpe, ac Clericorum nomine,
 „qui se divino cultui addixerunt,
 „sit indignum, in impudicitæ sordibus,
 „immundoque concubinato versari, factis
 „res ipsa communi fidelium omnium
 „offensione, summoque clericalis militiæ
 „dedecore testatur: ut igitur ad
 „eam, quam decet, continentiam, ac
 „vitæ integritatem ministri Ecclesiæ
 „revocentur, populusque hinc eos magis
 „discat revereri, quo illos vita honestiores
 „cognoverit: prohibet sancta
 „Synodus quibuscunque Clericis, ne
 „concubinas, aut alias mulieres, de
 „quibus